

Румынд электрификац келгън

БУХАРЕСТ. (ТАСС). Румынд электрификац кех зура авгдснас нааран нӕӕмн джил болв. Эн цагин эргцд республикд хӕрн дӕрвн электростанц болн теплоэлектростанцс тосхгдв. Биказд, В. И. Ленинӕ нертӕ, агъу ик кӕчтӕ гидроэлектростанц тосхгдджана, эн тосхлт 1960 джил тӕгсхмн. ГЭС-н тӕрӕн чеерӕдин кӕчнь—110 минъгън киловатт, цуг кӕчнь бӕклдӕн болхла—210 минъгън киловатт болхмн. Ке-

мр 1950 джил орн-нутгт электроэнерг гаргългън 2,1 миллиард киловатт час бӕӕсн болхла, нидн джил—5,5 шаку миллиард киловатт час болдж ӕсв. Орн-нутгин селӕдиг электрификац келгънд ик онъг ӕггдджӕнӕ. Ӓдгӕ цагт Румынск Олн-ӕмтнӕ Республикд 2.400 селӕнд электричеств ор-улгдв, теднӕс 75 процӕнтнь сӕӕлин нӕӕмн джилин дунд кегдв.